

湖廣

游武昌東山記

楊士奇

洪武乙亥予客武昌武昌蔣隱溪先生始吾廬陵人年已八十餘好道家書其子立恭兼治儒術能詩皆意度濶略然深自晦匿不妄交游獨與予相得也是歲三月朔予三人者攜童子四五人載酒肴出游隱溪乘小肩輿予與立恭徒步天未明東行過洪山寺二里許折北穿小徑可十里度松林涉澗澗水澄徹深處可淨小舟傍有盤石容坐十餘人松柏竹樹之陰森布蒙密時風日和暢草木之葩爛然香氣拂拂襲人禽鳥之聲不一類遂掃石而坐坐久聞雞犬聲予招立恭起東行數十步過小

道藏輯要

天下名山記
湖廣武昌陽

巽

軫集三

岡田疇平衍彌望有茅屋十數家遂造焉一叟可七十餘歲素髮如雪被兩肩容色腴澤類飲酒者手一卷坐庭中蓋齊邱化書延予兩人坐一媪捧茗盃飲客牖下有書數帙立恭探得列子予得白虎通皆欲取而難於言更識其意曰老夫無用也各懷之而出還坐石上指顧童子摘芋葉爲盤載肉立恭舉匏壺注酒傳觴數行立恭賦詩一童子和之酒半有驂而過者予故人武昌左護衛李千戶也駭而笑不下馬徑馳去須臾具盛饌及一道士偕來道士岳州人劉氏遂共酌道士出太乙真人圖求詩予賦一章書之立恭酌酒飲道士道士不能勝降蹠謝過眾皆大笑李出琵琶彈數曲立恭折竹竅吹之作洞簫聲隱溪

歌費無隱蘇武慢道士起舞蹁躑兩童子拍手跳躍隨其後已而道士復揖立恭曰奈何不與道士詩立恭援筆書數絕語益奇遂復酌予與立恭飲少頃皆醉起緣澗觀魚大者三四寸小者如指予糝餅餌投之翕然聚已而往來相忘也立恭戲以小石擲之輒盡散不復來因共慨歎海鷗之事各賦詩一首道士出茶一餅眾析而嚼之餘半餅遺童子遺予兩人已而夕陽距西峰僅丈許隱溪呼予還曰樂其無已乎遂與李及道士別李以卒從二騎送立恭及予時恐晚不能入城度澗折北而西取捷徑芳草埤門以歸

道藏輯要

天下名山記
湖廣武昌陽

晁

川百廿
軫集二